



Veke 48, 30. november 2022

President **Anne Wiik Stamsø** opna møtet med eit **adventsdikt** av forfatternen Bente Bratlund (f. 1952) – sjå ramma nedanfor til venstre. Bratlund har ein omfattande og allsidig produksjon med meir enn 40 bøker i ulike sjangrar, for born, ungdom og vaksne.¹

Vi var 12 til stades på møtet, og ingen gjester. Det var heller ingen som hadde hatt bursdag i det siste. Det var eitt Tigris-innlegg. **Edrund Olaisen** hadde vore i bursdag til ein ukrainsk 6-åring, og understreka kor viktig det er å opne heimen sin for flyktningar.

Presidenten informerte om møta ut året:

- Det blir ikkje møte 7. desember
- Inge Kaggerud blir auksjonarius under den amerikanske auksjonen 14. desember
- Det blir ikkje møte 21. desember – det er for nær jul
- Det blir snakkegruppe med flyktningar 7. desember, men ikkje 14. desember

Deretter fortalde komiteane frå møta sine for ei veke sidan.

TRF-komiteen. **Kari Herder Kaggerud** fortalde at komiteen hadde drøfta moglege prosjekt for klubben vår, og at dei hadde reist spørsmålet om vi skal søkje på eit *District Grant*.



Serviceprosjektkomiteen.

Tor Suhrke fortalde at *Rotary-leikane* går av stabelen 25.3. 2023. Han informerte om komiteen som arbeider med *kulturminne langs Bamblekysten*, med representantar frå klubben vår, historielaget, turlaget og Bamble kommune og om samtaletimane med ukrainske flyktningar kvar onsdag (sjå biletet over til venstre). 3–5 rotarianarar møter opp kvar gong.

eg skulle tenna eit lys i dag
for håp og glede
ser ut på sola og fjorden
og kjenner ei tyngd i kroppen
for alle som ikkje kjenner
håp og glede eller forventning
for alle som ikkje ser fram til
raude blide nissar og stjerner
for alle som ber mørke i seg
som kjempar mot frykt
og har einsemd som følge
så skal eg kanskje likevel
tenna eit lys i dag
og løfta eit sterkt ønskje opp
om ei adventstid der vi ikkje
gløymer kvarandre vi som
deler denne jorda saman



Ungdomskomiteen. **Berit Midtgaard** fortalde at denne komiteen hadde drøfta to tema, *Vertsfamiliar* og *Oppfølging av utvekslingsstudent i haustsemesteret*. Vi må intensivere arbeidet med å skaffe vertsfamiliar. Ho foreslår at medlemene i klubben får tildelt ei veke kvar for å ta seg av utvekslingsstudenten.

Medlemskomiteen. *Medlemsverving* var emnet for diskusjonen i denne komiteen, kunne **Espen Hoell** fortelje. Dei meiner vi bør bruke nokre møte framover for å drøfte dette. Bør vi fokusere på klassifikasjonen for å større yrkesmessig variasjon?

Kommunikasjonskomiteen. **Rolf Theil** fortalde at komiteen hadde diskutert korleis vi skal gjere arbeidet i klubben betre kjent i lokalsamfunnet, gjennom heimesida vår, Facebooksidene våre, *Det skjer i Bamble* og eventuelt lokalavisene.

Langesund, 6. desember 2022, **Rolf Theil**.

¹ Eg greidde ikkje å finne ut kvar Bente Bratlund hadde publisert dette diktet, så eg skreiv til ho og fekk straks svar: «Dette diktet skreiv eg for eit par år sidan og la ut på facebook, og det er ikkje kome i noko bok. Så kjekt at det blir brukt! God helsing Bente.»